

Nimme zwänzgi

nimme wie geschter,
mieder im Gsicht
wider chli dicker
isch es ächt Gicht?
schneller schnuife
weniger Hunger
meh graii Haar
mag nimme uife
Runzle am Fidle
gseh nimme gued
weniger schlaafe
meh Druck im Blued
langsam im Dänke
schneller vergässe
weniger verstah
nimme all's ässe
meh uif go bisle
hä, was hesch gseid?
die Junge sind jinger
d'Brillä verleid
nimme we zwänzgi

Aber ai:

meh z'verzelle
nimme vergliche
weniger miesse
meh derfe säge
weniger schliiche
langsamer mache
s'Gäld derfe bruiche
kei Konkurränz
stolz uf e Buich
zrugg luäge chenne
nimme so ruich
kei iifersucht
dr letscht derfe sii
hilf derfe aanäh
im Tram derfe sitze
uber sich lache
nimme so lang
weniger schwitze
me wird wider chlii
chenne la gaa laa
weniger Sache
weniger schnore
gwundrig uf morn
nimme zwänzgi
aber lang no nid dure.

hochdeutsche Kurzform:

Die wilden Jahre sind gewesen - es bleibt im Bett mehr Zeit zum Lesen.